

XXI саҳоси

Барча манбалардан олинган сўнгги хабарлар

Мамлакатимизда

Ўзбекистон Республикаси Президенти Ислам Каримов Оқсаройда Япония парламенти Вакиллар палатасининг депутаты Нариаки Накаяма билан тараққиёт банки (ЕТБ) президенти Жан Лемьери қабул қилди. Учрашувда Ўзбекистон билан ЕТБ ўртасидаги ҳамкорликнинг бугунги аҳоли ва иқтисоддаги режалар ҳусусида сўз борди.

Ўзбекистон Республикаси Президенти Ислам Каримов Оқсаройда Европа тиклиниш ва тараққиёт банки (ЕТБ) президенти Жан Лемьери қабул қилди. Учрашувда Ўзбекистон билан ЕТБ ўртасидаги ҳамкорликнинг бугунги аҳоли ва иқтисоддаги режалар ҳусусида сўз борди.

Ўзбекистон Республикаси Марказий банкида Республика Пул-кредит сибсати комиссиясининг навбатдаги кенгайтирилган мажлиси бўлиб ўтди.

Ўзбекистон Республикаси Марказий банкида Ҳисоб-ки-тоблар механизмини такомиллаштириш ва бюджетга тўловлар интизомини мустаҳкамлаш бўйича Ҳукумат комиссиясининг Тўлов муддати ўтган дебиторлик ва кредиторлик қарзларини қисқартириш бўйича кичик комиссиясининг навбатдаги кенгайтирилган йиғилиши бўлди.

Жиноий жазоларнинг либераллаштирилиши муносабати билан Тошкент шаҳар ҳокимлигида Ўзбекистон Республикасининг Жиноят, Жиноят-процессуал кодекслари ҳамда Маъмурий жавобгарлик тўғрисидаги кодексига киритилган ўзгаришлар ва қўшимчалар моҳияти ва ундан келиб чиқадиган вазифаларга бағишланган йиғилиш бўлиб ўтди.

АҚШнинг халқаро ривожланиш бўйича Агентлиги (ЮСАИД) раҳбари Эндрю С. Наиос Ўзбекистонга ташриф буюрди. У Марказий Осиё минтақаси мамлакатларига қилган ушбу сафари мобайнида АҚШнинг Афғонистон халқига инсонпарварлик ёрдами масалалари юзасидан музокаралар ва учрашувлар ўтказди.

Тошкентда «Ўзқўргазмасавдо» савдо марказида доридармон ва тиббиёт асбоб-ускуналарининг навбатдаги кўргазмаси очилди.

«Соғлом авлод учун» халқаро хайрия жамғармаси Андижон вилояти бўлими мутасаддилари вилоят тўғрисида маълумга жами қиймати 600 миң сўмликдан зиёд замонавий тиббий ускуналар, жиҳозлар, дори-дармон ва боғлаш воситаларини тақдим эттиди.

Ибн Сино жамғармаси томонидан умумтаълим мактаблари учун ишлаб чиқилган «Болалар гигиеналикка қарши» дастури амалиётга тадбиқ эта бошланди.

Жаҳон иқтисодиёти ва дипломатия университетининг академик лицейида мамлакатимиздаги академик лицейларнинг Кадрлар тайёрлаш миллий дастурининг биринчи босқичидаги фаолиятига яқун ясаиб, иккинчи босқичдаги вазифаларига бағишланган семинар-кенгаш бўлиб ўтди.

Гулистонда вилоят солиқлиги тиклаш маркази ўзининг дастлабки миқозларини қабул қилди.

Республика Байналмилал маданият марказида Республика поляк миллий маданий маркази ва Польшанин Ўзбекистондаги элчихонаси томонидан ташкил этилган Польша Республикаси мустақиллигига бағишланган кеча бўлиб ўтди.

Мухтор Ашрафий номидаги Тошкент Давлат консерваториясида «Сўғдиёна» ўзбек халқ чолғу асбоблари камер оркестрининг 10 йиллигига бағишланган анжуман ўтказилди.

Эртага Жиззах шаҳрида Республика Соғлиқни сақлаш ходимлари касабга уюшма Марказий Қўмитасининг тармоқ спартакиадаси ўтказилади. Спартакиада икки кун давом этади.

Жаҳонда

Кеча Вашингтонга расмий ташриф билан келган Россия Федерацияси Президентини Владимир Путин ва АҚШ Президенти Жорж Буш ўртасида юзма-юз учрашув бўлиб ўтди. Мулоқотларда умумбашарий хавфсизлик, ҳусусан, халқаро терроризмга қарши кураш, Россия ва НАТО ҳамкорлигининг истиқболлари, АҚШнинг ракетадан мудофаа тизими масалаларига доир қатор муаммолар юзасидан музокаралар олиб бориш режалаштирилган.

Рейтер» ахборот агентлигининг хабар беришича, Афғонистондаги Шимолий альянс қучлари мамлакат пойтахти Кобул шаҳрини жангсиз олишга муваффақ бўлган. Маълум бўлишича, «шимолийлар» толибларнинг Кобулдаги ҳукумат биносини ҳам эгаллаган. Хабарларга қараганда, толиблар оммавий равишда Кобулни ташлаб Қандаҳор томон йўл олишган.

Ўтган дунда кун маҳаллий вақт билан соат 9 дан 30 дақиқа ўтганда АҚШнинг «Америкэн эйрлайнз» ширкатига қарашли «А-300» русумли самолёт 251 нафар йўловчи ва 9 нафар экипаж аъзоси билан Нью-Йоркнинг Куинс туманидаги аҳоли яшайдиган ҳудудга қулаб тушган эди. Дастлабки маълумотларга қараганда, ҳозирча 268 нафар ҳалок бўлганларнинг жасади топилган. CNN телекомпаниясининг хабар беришича, Бостондан Доминикана Республикасига Нью-Йорк орқали йўл олган ушбу самолёт парвоздан 3 дақиқа ўтгандан сўнг қулаши оқибатида 6 та бино ва аҳоли яшайдиган бир қанча уйлар вайрон бўлган. Президент Жорж Буш маъмурияти мулозимларининг билдирисида, мазкур авиакатастрофада техник носозлик сабаб бўлган.

Кеча Украина Президентини Леонид Кучма генерал Владимир Шкидченкони мамлакат мудофаа вазирини эитиб тайинлади.

Кеча ГФР канцлери Герхард Шрёдер агар мамлакат парламентининг кўпчилик аъзолари ақсилтеррор амалиётларини қўллаб-қувватлаш мақсадида немис ҳарбийларининг халқаро коалиция сафига қўшилиши борасидаги ҳужжати тасдиқламаса, у ҳолда истеъфога чиқишини маълум қилди.

Авал хабар қилганимиздек, Болгарияда яқинда президент сайловлари бўлиб ўтган эди. Лекин унда даъвогарларнинг қайси бири ғолиб бўлганлиги аниқланмаганди. Амалдаги давлат бошлиғи Петр Стоянов ва Болгария социалистик партияси раҳнамоси Георги Парвановларнинг биронтаси ҳам биринчи босқичда сайловчиларнинг етарли овозини ола олмадилар. Эндиликда президент сайловларининг иккинчи босқичи ўтказилиши аниқ бўлиб қолди.

Бугун Европанинг тўққизта ва Осиёдан битта футбол жамоаси 2002 йилда Япония ва Жанубий Корейда ўтказиладиган жаҳон чемпионатида йўлланма олиш учун ҳал қилувчи учрашувларни ўтказди.

ПОЙТАХТНИНГ БИР КҮНИ

Янгиликлар, воқеалар

БУГҲ Яксарой туманидаги «Тўқимачи», «Конституция», «Бошлик», Бобур ва Абдулла Қаҳҳор номидаги маҳаллалар ҳамкорлигида фаоллар иштирокида ўтказилган тадбир «Ўзбекистонда суд тизимидаги ислохотлар» деб номланди.

БУГҲ Тошкент электротехника ва алоқа институтиди талабалар иштирокида бўлиб ўтган «Суд-ҳуқуқ ислохотлари: мақсад ва вазифалар» мавзусидаги тадбир Тошкент шаҳар ҳамда Юнусобод туман Маънавият ва маърифат марказлари ҳамкорлигида уюштирилди.

БУГҲ Чирчиқ туманидаги «Соғлиқсизлик» кўшиқ корхонасида ўтказилган тадбир эса фуқароларнинг ҳуқуқий маданиятини ошириш масаласига бағишланди. ЭРТАГА мазкур тумандаги «Мевазор» маҳалласида ҳам шундай мавзуда тадбир бўлади.

БУГҲ Бектемир туманидаги «Нерудник» корхонасида мазкур корхона хотин-қизлар кўмитасининг жорий йилда Оналар ва болалар йили муносабати билан бажарган иш режаларига бағишланган йиғилиш ўтказилди.

БУГҲ Шахримиздаги «Чир» маҳалласида маҳалла фаоллари ва ёшлари иштирокида Мировбод туман Маънавият ва маърифат маркази ташаббускорлигида «Миллий ғоя, ватанпарварлик ва тинчлик учун кураш» мавзусида семинар-кенгаш бўлиб ўтди. КЕЧА Сергели туманидаги Абдурахмон Жомий номи маҳаллада ўтказилган тадбир ҳам юқоридаги мавзуга бағишланди.

БУГҲ Ҳамза туманидаги «Тошмарғаб» очик турдаги ҳиссадорлик жамиятида бўлиб ўтган давра суҳбати «Терроризм, террористлар ва террористик ҳаракатлар» деб номланди. ЭРТАГА эса «Ўзбой» жамғармасининг Ҳамза туман бўлимида ўтказилган тадбир ҳам шу мавзуга бағишланди.

БУГҲ Камолидин Бекзод номидаги миллий рассомлик ва дизайн институтиди профессор-ўқитувчилар ҳамда талабаларнинг Республика Маънавият ва маърифат кенгаши ходимлари билан учрашуви ўтказилди.

МУКАРРАМА Турғунбоева номидаги «Баҳор» халқ рақс ансамбли қошидаги халқ чолғу оркестрида бўлиб ўтган санъат тадбири «18 миң олам» деб номланди.

РЕСПУБЛИКА Ёш томошабинлар театри болажонларимизга яна бир совға тайёрлади. Улар эътиборига «Қувонч» эртақлари деб номланган спектакль ҳавола этилди.

ЮНУСОБОД туманидаги «Асбосозлар» ўйингоҳида мактаб ўқувчилари ўртасида давом этаётган «Умид нихоллари» спорт мусобақаларининг навбатдаги босқичи бўлиб ўтди. Шунингдек, Шайхонтоқур тумани мактаб ўқувчилари ўртасидаги худди шундай спорт мусобақалари 524-мактабда ўтказилди.

«Ўзотайўл» хизматингизда

Йўловчиларнинг узоғини яқин қилишда метро, автобус, трамвай ва троллей-буслар каби йўналиш таксиларининг ҳам муносиб ўрни бор. Ҳусусан, бир неча йиллардан буён эски «Раф» русумли йўналиш таксилари ўрнини эгаллаган «Ўзотайўл» кичик автобуслари қулайлиги, кўркамлиги билан йўловчиларга тезда манзур бўлди. Бугунги кунда шундай русумдаги кичик автобусларнинг 136 таси шахримиз кўчаларида турли йўналишлар бўйича ҳаракат қилмоқда. Биз ана шундай 44 та кичик автобусларга хизмат кўрсатаётган «Раф» акциядорлик жамиятида бўлиб, корхона фаолияти билан яқиндан танишдик.



Дарҳақиқат, 1994 йил корхона акциядорлик жамиятига айлантирилганидан сўнг унинг фаолиятида ижобий ўзгаришлар юз бера бошлади. Бу тўғрисида жамият раиси ўринбосари Зокирхон Ҳақимов қуйидагиларни гапириб берди:

— Латвия Республикасидаги «Раф» русумли йўналиш таксиларини ишлаб чиқарувчи завод бутунлай тўхтатилгандан кейин ишларимиз бирмунча қийинлашди. Лекин шунга қарамай эски бўлса-да бу таксиларни қайта таъмирлаб йўналишлар бўйича ишга чиқардик. Ниҳоят 1999 йил корхонамизга Самарқанд шаҳрида ишлаб чиқарилган 44 та «Ўзотайўл» кичик автобуслари сотиб олинди. Шунингдек, ўша йили корхонамиз ҳудудида бу русумли автобусларга хизмат кўрсатувчи Тошкент шаҳрида ягона бўлган сервис марказини ҳам ишга туширдик. Бу даргоҳда «Ўзотайўл» кичик автобусларига сервис хизмат кўрсатиладиган қайта таъмирланади. Марказда хизмат қилаётган мутахассислар икки ой давомида Туркияда малакаларини ошириб қайтишди. Энди эса улар ўз навбатида бу билимларни республикамиздаги бошқа шу каби сервисларда ишловчи ишчиларга ўргатмоқдалар.

Корхонамиз акциядорлик жамиятига ай-

ландирилганидан кейин ҳар йили акциядорларга дивидендлар бериб бормоқдамиз. Масалан, ўтган йилнинг якуни бўйича 100 сўмлик акцияга 240 сўмдан дивиденд берилди. Шунингдек сервис маркази ва ишчиларнинг душхоналари қайта таъмирланди. Айни пайтларда корхонамизда 240 нафар ишчи ва хизматчи меҳнат қилади. Уларнинг ўртача ойлиги 25-30 миң сўмни ташкил этиб, дам олиб ҳордик чиқаришлари учун барча шароитлар яратиб берилган. Яъни улар бўш пайтлари спорт залга чиқиб теннис, бильярд, шахмат-шашка ўйнашлари мумкин. Шунингдек, ҳар йили солиқларини тиклашлари учун республикамиздаги исталган сўхатгоҳларга йўлланмалар берамиз. Энг асосийси фойданинг кўпроқ қисмини ишчиларга шароит яратиб бериш учун сарф қилмоқдамиз.

Шу кунларда киша тайёргарлик ишларини муваффақиятли якунладик. Барча иситиш бўлимлари текширувдан ўтказилиб, қайта таъмирланди. Керамика ёниги, бошқа зарур бўлган деталлар сотиб олинди. Бир сўз билан айтганда киши мавсумда 8 та йўналиш бўйича ҳаракатланаётган йўналиш таксиларимизда узилиш бўлмайдиган ва бир маромда аҳолига намунали транспорт хизмати кўрсатилаверади.

Магистратура ўқув-илмий маркази

Магистратура таълимига олий ўқув юрларида муҳим билимлар босқичи ҳамда ёшларнинг илмий қобилиятини юзага чиқарувчи жараён сифатида жиҳдий эътибор билан қаралмоқда. Бу борада Ўзбекистон миллий университетиди ҳам ибратли ишлар олиб боришмоқда.

Олий ўқув юртида «Магистратура ўқув-илмий маркази»нинг очилиши ҳам нур устига аъло нур бўлди. Ўзбекистон Фанлар академияси билан биргаликда амалга оширилган мазкур маърифий жараён ўз ижобий натижаларини бера бошлади.

Марказ ҳозир республикамиздаги 20 га яқин илмий тадқиқот институтлари билан алоқани йўлга қўйди. 50

дан ортик ҳамкорлик шартномаси тузилди.

Магистрлик дипломига эга бўлган дастлабки қалдирғочларнинг илмий излашлари босмага тайёрланган нашрдан ўрин олди. Энг яхши деб топилган тадқиқот натижалари эса университет нашриётида тўплам қилиб чиқарилиди.

Азиз АМИНОВ

ТОШКЕНТ ШАҲАР ҲОКИМЛИГИДА МАХМУД МИРЗАЕВ НОМИНИ АБАДИЙЛАШТИРИШ ТЎҒРИСИДАГИ 2001 ЙИЛ 16 ОКТЯБРДАГИ 467-СОНИ ҚАРОРНИ ЎЗГАРТИРИШ ҲАҚИДА

Вазирлар Маҳкамасининг 2001 йил 17 сентябрдаги «Академик Р. Шредер номидаги боғдорчилик, узумчилик ва виночилик илмий-тадқиқот институтининг 100 йиллигига тайёргарлик кўриш ва уни ўтказиш тўғрисида»ги 375-сонли қарори ҳамда Президент девонининг 19 сентябрдаги 11-1464-сонли хатини инобатга олиб, Тошкент шаҳар ҳокимлиги «Махмуд Мирзаев номи абадийлаштириш тўғрисидаги 2001 йил 16 октябрдаги 467-сонли қарорни ўзгартариш ҳақида» қарор қабул қилди.

Унга мувофиқ Р. Шредер номидаги боғдорчилик, узумчилик ва виночилик илмий-тадқиқот институтига узоқ йил раҳбарлик қилган, республика илм-фанига катта хизматлари сингган академик Махмуд Мирзаев номи Юнусобод шох қўчасига қўйилди.

Тошкент шаҳар ҳокимининг М. Мирзаев номи Деҳқонбод қўчасига қўйиш тўғрисидаги 2001 йил 16 октябрдаги 467-сонли қарори бекор қилиниб, Деҳқонбод қўчасига Юнусобод қўчаси номи берилди.

Юнусобод тумани ҳокимлигига мазкур қўча ўзгаришига оид ташкилий ишларни 10 кунлик муддат ичида амалга ошириш вазифаси топширилди.

Ушбу ўзгариш ҳақида Юнусобод тумани ҳокимлиги, ободонлаштириш, соғлиқни сақлаш, транспорт, мудофаа бошқармалари, «тез ёрдам», почта, алоқа, ўт ўчириш хизматлари ва бошқа тегишли ташкилот ва муассасалар хабардор этилиши белгиланди.

Нафис санъат намоиши

Ўзбекистон Бадий академиясининг Марказий кўргазмалар залида таваллудининг 80 йиллиги ва ижодий фаолиятининг 50 йиллиги нишонланаётган Ўзбекистон халқ рассоми, академик Раҳим Аҳмедов шахсий асарларининг кўргазмаси давом этмоқда.

Раҳим Аҳмедовнинг асарларида тараннум этилган она-Ватанинг гўзал табияти, портретларида буюк санъаткор ёки ўқувчи, оддий деҳқон ёки зиёли инсонни, ҳуллас уларнинг ҳаммасида юксак маҳорат ва машаққатли меҳнат сезилиб турибди. Ҳар бир асаридан фойдаланилган бўёқлар жуда ажиб ранг-баранг тарзда бир-бири билан уйғунлашган. Унинг асарларида ўзига хос миллийлик, аёнана ва қадриятларимизга ўзгача меҳр ва самимийлик билан ёндошилгани яққол сезилади. Шунинг учун бўлса керак, рассомнинг асарлари Франция, Италия, Буюк Британия, Германия, АҚШ каби давлатлардаги халқаро кўргазмаларда катта муваффақият билан намоиш қилинган.

Марказий кўргазмалар залининг биринчи ва иккинчи қаватларидан жой олган академик-рассом Раҳим Аҳмедов ижодининг илк дав-

ридан то бугунги кунда яратган натюрморт, ранг-тасвир ва автопортрет ва табиат манзаралари тасвирига бағишланган асарлари ўз жозибаси, рангларининг жиҳоси ва ранг-баранглиги билан муҳлислири эътиборини тортмоқда.

Атоқли халқ рассоми ўзининг ярим асрлик самарали ижоди билан замонавий ўзбек тасвирий санъатини жаҳонга танитишга муносиб ҳиссасини қўшиб келмоқда.

30 ноябргача давом этадиган ушбу дурдона асарлар кўргазмасига барча санъат ихлосмандлари ташриф буюришлари мумкин.

Мухаббат ҲАБИБУЛЛАЕВА

Комиссия йиғилиши

Тошкент шаҳар ҳокимлигида Зулфия номидаги Давлат мукофоти бўйича шаҳар комиссиясининг йиғилиши бўлиб ўтди.

Бундан 2,5 йил аввал мамлакатимизда баркамол авлодни тарбиялаш, билимни, ижодкор қизларни ҳар томонлама қўллаб-қувватлаш, иқтидорли ёшларнинг истиқлол ғояларини амалиётга тадбиқ этишдаги фаолиятини рағбатлантириш мақсадида Ўзбекистон Республикаси Президентининг Зулфия номидаги Давлат мукофотини таъсис этиш бўйича Фармони қабул қилинган. Мазкур фармоннинг ижросини таъминлаш борасида жойларда махсус комиссиялар ташкил қилиниб, улар томонидан зуқко, доно ва ташаббускорлиги билан ажралиб турадиган, ўз истеъдоди ва иқтидорини намойён этаётган қизларни Давлат мукофоти номзоди сифатида республика комиссиясига тавсия этиш бўйича

Пойтахт жамоалари галабаси

ЎТКАЗИЛГАН МАМЛАКАТ Х МИЛЛИЙ ЧЕМПИОНАТИНИНГ 34-ТУР УЧРАШУВЛАРИ ПОЙТАХТ ШАРАФИНИ ҲИМОЯ ҚИЛАЁТГАН ЖАМОАЛАР УЧУН ОМАДИЛИ КЕЧДИ.

Наманганнинг «Навбахор» жамоасини ўз майдонида қабул қилган пахтакорчилар 2:1 ҳисобида рақибларини енгишга муваффақ бўлишди ва муҳим уч очкони қўлга киритишди.

«Андижон» жамоаси билан ўз майдонида куч сынашган тракторчилар эса Собир Ходиевнинг рақиблар дарвозасига йўллаган голи туфайли галаба қозонишди.

Қолган учрашувларда қуйидаги натижалар қайд этилди. «Металлург» — «Семург» 6:0, «Кимёгар» —

«Сурхон» 1:3, «Турон» — «Бухоро» 1:3, «Зарафшон» — «Қизилкум» 0:0.

БУГҲ эса ушбу турдаги «Академия» — «Нефтчи» ҳамда «Дўстлик» — «Насаф» учрашувлари бўлиб ўтди.

Навбатдаги 35-тур ўйинлари 21 ноябрда ўтказилади.

Анвар ЙЎЛЧИЕВ

